



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs
Police department

Broj: 02-11-4-6770-15/24

Datum: 25.12.2024.godine

Na osnovu člana 23. stav (3) tačka h) Zakona o unutrašnjim poslovima Kantona Sarajevo („Službene novine Kantona Sarajevo”, broj 1/16, 26/19, 31/19 i 39/20), člana 69. stav (3) Zakona o javnim nabavkama („Službeni glasnik Bosne i Hercegovine”, broj 39/14, 59/22 i 50/24), člana 34. stav (6) Pravilnika o javnim nabavkama Uprave policije Ministarstva unutrašnjih poslova Kantona Sarajevo („Službene novine Kantona Sarajevo”, broj 44/23) i preporuke Komisije za nabavku municije za potrebe Uprave policije, imenovane Rješenjem broj: 02/5-1-30-1-6604 od 12.06.2024. godine, u postupku javne nabavke municije, putem ograničenog postupka, policijski komesar Uprave policije Ministarstva unutrašnjih poslova Kantona Sarajevo, d o n o s i:

ODLUKU

O OTKAZIVANJU POSTUPKA ZA LOT 2, LOT 4 i LOT 7

I

Otkazuje se ograničeni postupak javne nabavke municije za potrebe Uprave policije Ministarstva unutrašnjih poslova Kantona Sarajevo, i to:

- ✓ LOT 2 – Puščana municija 5,56x45 mm;
- ✓ LOT 4 - Mitraljeska municija 7,62 x 51 mm;
- ✓ LOT 7 - Snajperska municija 12,7 x 90 mm.

II

Poništava se i stavlja van snage Odluka o izboru najpovoljnijeg ponuđača i dodjeli ugovora broj: 02-11-4-6770-12/24 od 03.12.2024. godine u dijelu koji se odnosi na LOT 2, LOT 4 i LOT 7.

III

Ova odluka stupa na snagu danom donošenja i dostavlja se svim ponuđačima koji su učestvovali u predmetnom postupku javne nabavke, shodno članu 71. stav (2) Zakona o javnim nabavkama.

Obrazloženje

Na osnovu Odluke broj: 02-11-4-6770/24 od 28.06.2024. godine i Obavještenja o nabavci broj: 16475-2-1-72-3-90/24 od 28.06.2024. godine, proveden je ograničeni postupak javne nabavke municije za potrebe Uprave policije Ministarstva unutrašnjih poslova Kantona Sarajevo.

Prema Zapisniku sa otvaranja ponuda, broj: 02-11-4-6770/24 od 08.11.2024. godine, za aktivno učešće u drugoj fazi ograničenog postupka dostavljena je ponuda ponuđača KM Trade d.o.o. Visoko za:

- ✓ LOT 2 – Puščana municija 5,56x45 mm;
- ✓ LOT 4 - Mitraljeska municija 7,62 x 51 mm;
- ✓ LOT 7 - Snajperska municija 12,7 x 90 mm.

Komisija za nabavku municije za potrebe Uprave policije (u daljem tekstu Komisija) izvršila je pregled i ocjenu dostavljene ponude, te sačinila Zapisnik o pregledu i ocjeni ponuda, 02-11-4-6770-11/24 od 29.11.2024. godine, kojim je utvrdila slijedeće:

- da ponuda ponuđača KM Trade d.o.o. Visoko za LOT 2, LOT 4 i LOT 7 sadrže sve elemente tražene tenderskom dokumentacijom, odnosno da ispunjavaju sve formalno-pravne, ekonomske i tehničke uslove i shodno utvrđenom kriteriju "najniža cijena" ispunjavaju sve zahtjeve Ugovornog organa.

U postupku je podnesena samo jedna prihvatljiva ponuda ponuđača KM Trade d.o.o. Visoko za:

- LOT 2 – Puščana municija 5,56 x 45 mm u iznosu od 769.380,00 KM bez PDV-a;
- LOT 4 – Mitraljeska municija 7,62 x 51 mm u iznosu od 357.000,00 KM bez PDV-a;
- LOT 7 - Snajperska municija 12,7 x 90 mm u iznosu od 60.800,00 KM bez PDV-a.

te postupajući u skladu sa članom 4. stav (2) Pravilnika o uslovima i načinu korištenja e-Aukcije („Službeni glasnik BiH“, broj 80/23) postupak se okončava primjenom člana 69. Zakona o javnim nabavkama.

Donesena je odluka o izboru najpovoljnijeg ponuđača i dodjeli ugovora broj: 02-11-4-6770-12/24 od 03.12.2024. godine i zajedno sa Zapisnikom o pregledu i ocjeni ponuda broj 02-11-4-6770-11/24 od 29.11.2024. godine dostavljena ponuđaču KM Trade d.o.o. Visoko.

Aktom broj 058/24 od 11.12.2024. godine (dostavljen 12.12.2024. godine) izabrani ponuđač KM Trade d.o.o. Vioko je izjavio da nabavku i isporuku municije za LOT 2 - Puščana municija 5,56x45 mm, LOT 4 - Mitraljeska municija 7,62 x 51 mm i LOT 7 - Snajperska municija 12,7 x 90 mm, nije u mogućnosti realizovati iz razloga što je proizvođač predmetne municije odustao od projekta jer su cijene repromaterijala za proizvodnju municije znatno porasle u prethodnom periodu, te iz tog razloga nije u mogućnosti realizovati ugovor.

Obzirom da u konkretnom postupku javne nabavke nije zaprimljena više nijedna prihvatljiva ponuda, Komisija je dostavila preporuku policijskom komesaru Uprave policije Ministarstva unutrašnjih poslova Kantona Sarajevo, da postupi u skladu sa članom 69. stav (3) Zakona o javnim nabavkama, koji definiše da se postupak javne nabavke može otkazati zbog dokazanih razloga koji su izvan kontrole Ugovornog organa i koji se nisu mogli predvidjeti u vrijeme pokretanja postupka javne nabavke.

U postupku donošenja ove odluke posebno su cijenjene činjenice da je pravilno i potpuno utvrđeno činjenično stanje i ocjena prispjelih ponuda u skladu sa kriterijima iz tenderske dokumentacije.

U postupku je utvrđeno da je Komisija u svemu pravilno postupila te da je preporuka data u skladu sa Zakonom o javnim nabavkama BiH, podzakonskim aktima i tenderskom dokumentacijom.

Cijeneći naprijed navedeno a u skladu sa članom 69 stav (3) Zakona o javnim nabavkama („Službeni glasnik BiH“ broj: 39/14, 59/22 i 50/24), Zapisnikom o radu komisije broj 02-11-4-6770-14/24 od 24.12.2024. godine riješeno je kao u dispozitivu.

Pouka o pravnom lijeku: Protiv ove odluke može se izjaviti žalba Uredu za razmatranje žalbi, putem ovog Ugovornog organa, u roku od 10 (deset) dana od dana prijema ove odluke, a u skladu sa članom 99. i 101. Zakona o javnim nabavkama BiH („Službeni glasnik BiH“ broj: 39/14, 59/22 i 50/24).

POLICIJSKI KOMESAR
Generalni inspektor policije

Fatmir Haidarević

Dostaviti:

1. Komisiji za nabavku municije
2. Ponuđač
3. Odjeljenju za odnose s javnošću, radi objave na web stranici ovog organa
4. a/a